

Premi “ANDREINA E LUIGI CICERI”

Societât
Filologjiche
Furlane
BIBLIOTECHE



Societât
Filologica
Friulana
BIBLIOTECA

XXIII edizion – 2027

La Societât Filologjiche Furlane, par iniziative e dotazion di Andreina Nicoloso Ciceri, e mande fûr la XXIII edizion dal Premi Ciceri par assegnâ un premi a contribûts sientifics che a rivuardin aspiets de culture e dal teritori dal Friûl.

Il Premi al è intitulât ai studiôs de culture tradizional dal Friûl Luigi Ciceri e Andreina Nicoloso Ciceri

Il Premi al è dât di une sezion Scrits e di une Borse di ricercje

SCRITS

- 1) I lavôrs che a concorin a àn di jessi inediti, mai premiâts in altris concors, e a àn di vê caratar sientific, no leterari, no memorialistic o di chês fate.
lis sôs direzions (direzion di cjase, numar di telefon, direzion di pueste eletroniche), doprant il model che si pues discjamâ dal sît de Societât Filologjiche **www.filologicafriulana.it**.
- 2) I lavôrs a àn di riferîsi a aspiets e percors di valorizazion de culture e dal teritori dal Friûl tant che: storie, gjeografie, architeture rurâl, paisaç, turisim, economie pal disvilup dal teritori, musiche furlane, tradizions populârs e linguistiche furlane. I lavôrs a podaran rivuardâ ancje la storie, lis ativitâts e i colaboradôrs de Societât Filologjiche Furlane, prudelade dai benemerits Andreina e Luigi Ciceri cun convinzion e cun passion.
- 3) La borse-premi pe XXIII edizion e je di **€ 5.000**; la Jurie e pues spartî la cifre tra i premiâts, o ben e pues decidi di no assegnâ il premi.
- 4) I lavôrs a àn di jessi presentâts dentri dai **30 di Lui dal 2027**. Pes domandis mandadis cu la pueste, e vâl la date dal bol postâl. I lavôrs a varan di rivâ cence indicazion dal non dal autôr ae sede de **Societât Filologjiche Furlane vie Manin, 18 – 33100 Udin** intal timp indicât, in cinc copiis marcadis di un titul e di un sproc, intal formât indicât tal art. 5; intune buste sierade zontade ai lavôrs e marcade dal stes sproc, il concorint al varà di indicâ i siei dâts e
- 5) Si domandin une copie su cjarte e cuatri copiis digjitâls su supuart informatic (CD, dispositîfs USB), in formât word o pdf. I lavôrs no vignaran tornâts indaûr.
- 6) Il judizi de Jurie, motivât e insindicabil, al sarà comunicât inte Sierade dal 2027. La Jurie e darà prin di dut un judizi di amission al Premi, po e fasarà une graduatorie motivade tignint cont de cualitât de scriture, de originalitât dal lavôr rispjet al setôr di ricercje sielt, de conformitât te maniere di doprâ lis fonts, dal supuart bibliografic, de atenzion comparative, de cualitât e, tal câs che al sedi, de originalitât dal supuart iconografic.
- 7) Une copie di ogni lavôr ametût a concors e restarà inte Biblioteche de Societât Filologjiche Furlane: pene la escluson dal concors, ogni lavôr al varà di jessi compagnât de liberatorie che si discjame dal sît internet de Societât. Garantint che i dirits a restaran dai singui autôrs, sintude la Jurie e in acuardi cul autôr, la Societât si riserve di publicâ/segnalâ il/i lavôrs premiâts, nomenant il premi otignût.

Par informazions domandâ ae Biblioteche de Societât Filologjiche Furlane

tel. 0432 501598 int. 2 • biblioteca@filologicafriulana.it • www.filologicafriulana.it